

Aningaasaqarnermut Ataatsimiititaliap suliaq nr. 01.31.06/08-00360 pillugu pingasunngornermi 6. juni 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 31. juli 2008-mi ataatsimiinnerat)

Peqqinnissaqarfimmi aningaasartuutit qaffaassutaannut aningaasalersuutissatut sillimmatinik atugassiissutiginninneq1

Naalakkersuisut inassutigaaat,

- Kontomi pingaarneq 32.10.05 Dronning Ingridip Napparsimmavissua qaffaavigineqassasoq 17 mio. kr.-nik.
- Kontomi pingaarneq 32.11.02 Ataatsimut aningaasaliissutit, nakorsanit sullinneqarneq qaffaavigineqassasoq 3 mio. kr.-nik.
- Kontomi pingaarneq 20.11.50 Ingerlatsineranut sillimmatit appartinneqassasoq 20 mio. kr.-nik.

Aningaasaqarnermut Ataatsimiititaliap oqaaseqaatai

Peqqinnissaqarfimmi aningaasartuutit qaffassinnaaneranut sillimmatitut 20 mio. kr.-it 2008-mi aningaasanut inatsimmi immikkoortinneqarput. Taartaasartunut aningaasartuutit qaffariarujussuarnemat peqqinnissaqarfimmullu tunngasuni isumaqatigiissutit nutaat pissutigalugit sillimmatit taakku atugassanngortinneqarnissaat pisariaqartutut isigineqarpoq.

Peqqinnissaqarfimmi taartaasartoqarfiit aqputigalugit piffissami sivikitsuinnarni atorfeqartitaasunut aningaasartuutit appartinneqarnissaannut periarfissat allat atorneqarsinnaasut pimoorullugu kinguarsaanertaqanngitsumillu misissorneqarnissaannik Naalakkersuisut Aningaasaqarnermut Ataatsimiititaliamit sakkortunerpaamik kaammattorneqassapput.

Aningaasaqarnermut Ataatsimiititaliap aalajangiinera

Siuliani allassimasutut paasinninneq tunngaviutillugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua